




性情集卷四

七言古詩

姑蘇臺

吳山高吳水長烏啼霜楓落鹿遊烟草荒
百花洲在春無主曾見蛾眉花下舞
祇憐西子捧心顰那覺越王嘗
膽苦山圍水繞闔閭城故國臺傾空
有名子胥伏劍夫差死悲風哀動寒潮聲

元周巽撰



黃金臺

邊風動燕雲開千金買駿骨宛馬從東來金臺百尺空
中起樂毅趨燕從隗始高陵秦塞雲幾重俯拓齊城地
千里昭王已矣賢士亡黃金化土高臺荒白虹貫日天
蒼蒼易水波寒沙草黃

歌風臺

白蛇斷赤龍飛天開炎運成帝業雲捲蜚廉揚武威威
定四方歸故里酒酣繫筑歌聲起山河振動氣猶雄宇

宙廓清心自喜薰弦載撫韶音希幽雅又陳王化始河
流如帶誓猶存臺前虎嘯生荆杞

戲馬臺

睢水東彭城下西風殘照古臺荒楚項重瞳曾戲馬振
鬣長鳴聲捲河翻身一躍光騰彼時危力盡將奈何騅
分不逝空悲歌九日黃花秋霜晚長河東流去不返遙
憐霸業逐烟消賓雁南飛楚天遠

釣臺

桐江上一絲風
羊裘坐危石
輕雪落寒空
故人乘龍忽
相憶徵起終
辭諫議職
夜驚星動紫
微垣曉見雲
歸翠蘿壁振衣
獨立富春山
魚鳥亦知心
事閒清風高
出雲臺表遺迹
長留山水間

銅雀臺

西陵樹曾是美人歌舞處
腸斷君王死別時
蛾眉憔悴分香去
奸雄心事有誰憐
殘瓦空題漢代年
銅雀春深懸落日
石麟秋冷卧荒烟
鄴下興亡今又古
烏號野樹

猿啼雨泉局長夜
鏖幽魂有酒誰饒臺下土

鳳凰臺

望佳氣臨高臺
金烏初出海
照見鳳凰來
千年王氣久
消歇忽聽韶音動
雙闕烏衣巷口烏鳴春
白鷺洲頭潮湧月
雲中天樂下瑤京
仙女乘鸞弄玉笙
歌聲噦噦臺前起
散作春風花滿城

陪全尚書子仁馮高州子羽宴劉宏遠在樓子仁
大書先得月樓四字且歌以美之子羽作記碑余

賦詩即席奉呈

昔年李謫仙呼月醉南樓尚書今夕宴客有馮高州坐
邊劉顥清興發樓倚長江先得月玉簫吹徹彩雲留聲
引鳳凰來上闕八窗玲瓏風露寒秋高銀漢生微瀾團
光未離滄海角流彩已照虛簷端尚書持筆高州記飄
飄頗有凌雲氣毫翻雲藻玉蟾乾袖拂天香金粟墜醉
歌窈窕邀嫦娥滿目飛光感興多仙人騎鶴遙相遇玉
壺激灑搖金波不醉如此良夜何吁嗟不醉如此良夜

何

轆轤

秋陽杲杲溪流端井上轆轤聲不絕銀河斜轉玉繩低
心苦惟憂稻田裂邊雁南來人未歸蛾眉顰蹙筋力微
遠林百丈哀音動樹攬西風梧葉飛蟋蟀悲吟腸欲斷
薰葭露白秋將半田家祇望晚禾登奈何今歲逢秋早
君不見早晚班師舞干羽皇天應降洗兵雨

梅花月下醉歌

酌酒芳樹下寒光照玉壺舉觴酌明日起舞鶴影孤清
夜恍惚逢仙妹丰姿綽約形容癯瑋瑩充耳雙明珠纖
腰雜佩青珊瑚邀我東遊見麻姑南昌仙人在坐隅盃
傾沆澗酣芳液連日東風吹不蘇酒醒滿襟香露濕雪
花眩眼光光糊欲與仙人借雙鳧朝遊羅浮暮西湖誰
能持將北斗勸何當吸取東海枯君不見醉倒樽前曙
光白不知此樂今有無

五言律詩

追和文山青原詩東陳村民寄謝禪林諸友

曉行金粟地袖拂綠蘿烟水出源頭活穿迴樹頂圓因
君寄高興來此洗塵緣唯有山中客猶書甲子年
昔人吟詠處醉草動春蛇岩石曾為供溪毛可薦茶荆
留十歲樹桂老九秋花欲結淵明社重來惠遠家

中秋對月有懷

涼夜金波動秋空玉鏡飛山河移素影霄漢出清輝照
席蟾蜍近傳書鴻鴈稀更闌猶夢見天上看花歸

鏡裏秋容好
岩前爽氣佳
素娥元有藥
老桂又開花
對影心猶壯
觀花鬢未華
有懷瀛海客
直欲泛靈槎

題羅用和老人賜帛詩

天子嘉耆德
推恩及老成
成霜紈題御
賜春綵拜親
榮寒谷初回
暖荒城未解
兵圍黃豈終
隱微起見昇平

九日偕邱世傑俊賓吳文泰吳仲誠高崇德遊石

磬

蒼壁馮飛瀑
虛亭看挂川
寒聲洒松雪
暝色帶蘿烟
銀

漢空中落玉虹
巖際懸壯觀
逢九日與子樂
盤旋

登臨無好句
猿鳥笑人來
良友文皆傑
諸生俊有才
起

予詩迭和迎客菊
初開喬木凋零盡
日斜孤鶴回

九日漫興二首

佳節動高興
憑陵翠巘孤
山河千里異
風雨滿城無
松

下射猶祭雲中雁
自呼未能酬
酌且復立斯須

矯矯雲間鵠
悠悠溪上鷗
蘆花兩岸雪
楓葉一江秋
客

路從飄泊浮生任
去留幾時將
鳳管拂袖過瀛洲

題洗耳亭并序

泉遠清泉山前琮瑋鏡徹寒聲襲人山中人枕
流其間而作亭其上以洗耳名之邾家文信公
大書洗耳亭三字猶存

路入青原去停驂洗耳亭偶聞微隱逸來此濯清冷問
法黃龍在吟詩白鶴聽巢由不可見松月滿窗櫺

讀書臺并序

讀書臺一在永和鳳岡之陽邾家周文忠公嘗

讀書其上松陰鬱鬱盛夏常寒蓋廬陵擅山水
之勝斯臺又盡攬廬陵之勝也

曉上讀書臺臺高接上台書生燈火夢丞相衣來山
色看還近松陰掃不開倚闌吟眺處獨鶴暮飛回

白鷺洲并序

洲綿亘吉州六七里江水分流縈迴北洲宛然
金陵二水中分一洲之勢因以白鷺名之宋丞
相文忠公建書院其上種竹萬竿公卿大夫多

出此焉由是白鷺洲之名聞天下

吉士長懷古來遊白鷺洲彼分孤嶼出沙帶一江流漁
火楓橋夜書聲竹院秋磯頭明月上吟望意悠悠

魯公祠并序

唐顏魯公為郡別駕時以興起斯文為己任益
廣學舍聘賢士以淑我吉人自此廬陵聲名文
物卓為江表冠吉人德之建祠螺川驛東以永
去思之意焉

魯國祠堂在螺川古驛東吉人思別駕唐史具孤忠礎
潤香芹雨廊迴古柏風我來拜公像肅肅仰冥鴻

青螺峯并序

青螺峯在廬陵郡東北亭亭如青螺上有金螺
子故名旁臨大江水光山色映帶城郭郡之望
山也

螺峯臨北渚千古畫屏開瞰水青涵影浮空翠作堆江
流如變酒山好若為盃有客吟招隱靈泉松下來

寄德安縣尉劉麟紀

千里潯陽客青衫
未乾琵琶秋月白
蘆荻曉霜寒感
慨悲王粲登臨憶
謝安風塵滿江右
何處覓漁竿

以和靖處士疎影橫斜水清淺
暗香浮動月黃昏
句為韻賦詩十四首

江上逢花處山陰飛雪初
人憐孤樹瘦春寄一枝疎
澹白流纖月芳魂返太虛
遙思林下路和靖苦吟餘
孤山乘興來晚歲入佳境
雲樹樓鶴翎冰梢掛蟾影
倚

看醉眼醒夢覺吟魂
冷日夕重相思幽懷長耿耿

美人何契闊一見即留情
翠岫凌風薄瓊裾曳雪輕
寒烟脩竹外流水小橋橫
殊覺芳容瘦不知華髮生

長憶攜壺去西湖處士家
凍雲低老樹殘雪落疎花
深谷溪流遠空林石逕斜
亭前放鶴處吟思遶天涯

鶴去野亭空松門傍湖水
掃雪坐荒苔臨風嗅寒蕊
折花興何長得句心自喜
把酒酌仙詩山中白雲起

白雲長不掃綠萼笑相迎
倚樹懷中素攜香覺太清
江

南春較早林下雪初晴欲折無來使憑誰寄遠情

千里憶佳人芳情寄來遠林杪雪華深枝頭春色淺穿

雲苔徑縈傍水柴門掩不惜山路遥攜壺臨絕巘

絕巘路崎嶇躋攀坐來斲樹壓翠岩幽香通蘿壁暗客

笑雀喧枝樵歸花掃擔落日興猶酣停盃倚雲瞰

一樹輕冰凍滿林疎蕊香殷勤託花訊惆悵惜年芳遠

寺鐘聲寂高樓角韻長有懷不可見寤寐意難忘

元轅吟庾嶺白雁過羅浮倚竹凝朝望看花帶暮愁丰

猿

神何灑落貞節自清幽酌酒芳林下酣歌興未休

行行過驛亭歷歷遊仙洞白鶴羽毛翻玉龍鱗角動花

間壺再傾石上琴三弄回音隔風塵思君入清夢

思君在何方昨夜花初發渺渺樹間雲娟娟枝上月素

輝寒玉肌清風冷水骨應笑桃李顏繁華覺稍歇

粲粲仙妃降盈盈倚靚妝香紉青玉佩光冷素霓裳疎

蕊欺霜白芳心凝蠟黃雨餘花濕處疑是征英皇

自雪皇英去誰招花底魂數聲雲外角一酌月中尊雪

晴山陰霽雲黃野色昏忽傳芳信至初旭散東園

溪梅

蕤樹臨寒碧疎疎花滿溪
皺波涵影瘦歌岸壓枝低
月上推蓬見雲深去櫂迷
頗懷過剡曲乘興遶芳堤

嶺梅

嶺頭春意早疎蕊臘前開
使節停雲望樵歌出洞來
穿花^花 抱羸馬過抱樹冷猿哀
傳語羅浮客新詩早寄回

梅林

尋芳臨晚渡停櫂入寒林
雪裏孤村近花間一徑深
隔花人喚酒倚樹客聽琴
烟寺昏鐘動歸來香滿襟

梅洞

巖谷雲深處冬暄花正開
香隨微雪落訊逐早春回
白鹿銜花去元猿抱子來
僊人招我隱倚樹獨徘徊

梅魂

縹緲烟塵外思君不見君
神遊枝上月夢繞樹間雲
素頂三花聚元精一氣氤氳
招不得化作雪紛紛

梅訊

歲晏無消息此時芳訊通
初傳遠信至如見美人同
枝上喧林鵲雪中來塞鴉
關山今夜夢和月到房櫳

野梅

郊外一枝雪村邊十月春
行吟逆處土索笑向佳人
茅屋寒烟外板橋流水濱
欲乘芳興去雲樹隔嶙峋

梅樹

南昌千載樹屹立出凡塵
人想邑中尉仙留世外身
清

癯孤鶴骨天矯半龍鱗
擬掛一壺酒倚歌招子真
梅根

孤根培厚地春意在東原
蟠屈龍形古發生陽氣溫
冰墜凝體魄雪淨返精魂
大本深含蓄嚴冬花正繁
梅龍

千年一老樹瘦骨似蟠龍
玉爪冰霜合翠鱗苔蘚封
羅浮雲裏見夏禹廟中途
乘取矚仙駕飛光來九重

梅蕊

輕冰駛凍蕊點綴見仙姝色潤藍田玉光浮合浦珠枝
頭帶蟾影花底露蜂鬚此日相看處芳容何太癯

梅英

霏霏含玉齒粲粲出瓊英春色梢頭見陽和根底生終
身守貞白芳氣得輕清隱若飛仙佩飄飄來上京

梅萼

凍萼凝芳思空山見美人冰姿含翠靨玉齒粲朱唇結
蒂棲香雪綴枝迎早春醉看開也未微笑問花神

梅香

瓊樹流清氣花飄晴雪香暗凝翠雲袖微襲紫羅囊倚
旒來東閣芬菲徯洞房酒酣三嗅醒吟斷月昏黃

梅仁

佳實存芳核中含元氣清陽生春欲動甲拆暖初萌雪
後孤根發年深老幹成長留酸一點金鼎待和羹

梅影

江碧涵疎影飄蕭宛不羣斜橫半窗月低轉一簾雲畫

掃塵無迹陰移篆有文常隨芳質見隱映雪繽紛

祭石橋先妣墓詩

哀哀竟何恃悲痛徹心肝暮樹春雲暗階苔宿雨殘淚
隨流水往食為禁烟寒腸斷思親處鷓啼喬木端

奉寄陳進士村民

不見鏡中石遙思枕上峯景星光欲聚夜雪興偏濃著
迷編新草吟哦對古松嵩華歸隱處雲樹幾千重
舊種庭前竹旋看新笋生春深翡翠合日靜鳳凰鳴常

有凌雲氣兼留避俗名希君保貞操託此寄中情

哭雋都縣尹沈宗臣父子死節

侃侃雋都令情深入夢思大兒同死節慈母痛生離猶
想之官日空憐罵賊時欲持一杯酒遙酌鬱孤祠

祭石屋先人墓詩

早歲自失怙憂懷不盡言養慚烏返哺祭效獮銜恩陟
岵悲風起瞻瑩佳氣存永言思罔極垂白哭秋原

性情集卷四

性情集卷五

五言律詩

水溢芙蓉沼

案集中分詠薛節道衡昔昔蓋詩仿唐趙嘏之體惜闕佚今就現存者依

薛詩章句釐其前後

雨過芳池滿芙蓉照綠波雙鴛香裏浴孤鳳鏡中過獨步承恩重多情奈如何采花休采韻心苦感懷多

織錦實家妻

璇璣初織錦寄與竇將軍思報七襄日裁成五色雲帛
書斷歸書綺字綴迴文灑盡行行淚何時一見君

關山別浪子

關山路難越蕩子去何之花落愁飄泊月明傷別離星
河鵲飛夜風雪雁來時迢遞年華晚寒衣寄與誰

風月守空閨

驚風開繡幙新月照羅幃玉樹鳴清籟珠簾捲素輝砧
聲敲杵急燈燼落花微今夜思君夢應隨黃鵠飛

恒歛千金笑

蛾眉常恐妬歛笑出妝臺貌好曾承寵恩深翻見猜自
憐金屋貯不見翠華來飛閣香塵滿青鸞去不回

盤龍隨鏡隱

塵匣初開處鏡中龍影蟠劍飛秋水底月出暮雲端絕
色愁花妬清光照膽寒一從君去後懶向玉臺看

飛魂同夜鵲

驚魂長不定夜鵲遶枝同聞在交河北還來遼海東淒

風動簾幙殘月入房櫳喜報歸期近那知是夢中

倦寢聽晨雞

妾睡何曾着俄聞唱曉雞有懷思遠道自分守中閨近
戶明星爛空梁落月低常時驚妾夢多是四更啼

暗牖懸珠網

綺閣凝塵網縱橫綴瑣扉愁牽千縷亂恨結一絲微當
戶蠟燭墜穿簾熠燿飛如何解愁緒窗下理金徽

空梁落燕泥

空梁巢紫燕長日落香泥點污琴書滿飛來簾幕低雙
歸尋舊壘對舞向中閨塵迹無人掃黃昏深院迷

前年過代北

聞渡柔乾積前年出塞時馬行邊雪遠雁過嶺雲遲寒
恐貂裘敝時將鴛枕歌關山消息斷日日望歸期

今歲往遼西

驅車又出塞今歲過遼西霜落彫弓動雲橫玉帳低征
鴻音訊杳飛蝶夢魂迷欲寐還驚起門前聞馬嘶

一去無消息

昔別今幾載自憐桃李顏相思萬里隔不見一書還
流水去不返得雲那可攀殷勤託春燕送寄玉連環

五言排律

耕讀齋為楓墅王興定賦

結廬楓墅上躬稼事詩書田有一腔在家歲萬卷餘雲
中掛角誦雨後帶經鋤釋來吟風處攜壺咏月初鋤金
終不顧種玉學無虛覽帙從漂麥觀圖自摘蔬名重賢

士傳身寄野人居豈惜田家若何慚儒術疎秋聲起庭
樹涼氣入郊墟白酒開陶甕青燈照綺疏子孫勤稼穡
詩禮重菑畬擊壤歌聲作凭軒樂自如

上翰林學士曼碩揭公三史二十韻

乾坤鍾秀氣河漢見奎光今代斯文主名公碩德昌總
裁修國史特皇正皇綱身在雲霄上親依日月傍大才
司馬富直筆董狐良運屬遠金總統承南宋亡權衡在
掌握正罔繫綱常前席頻垂問當廷賴主張陶鎔金在

治追琢玉成章中使頻頒食初筵許拜嘗八珍兼上味
九醞酌天漿夜送金蓮炬朝回白玉堂高懷散春旭清
氣灑秋霜天廐來龍馬金臺鳴鳳凰諸生慚寒芳萬里
看翺翔每誦高郵句遙思翰墨場參陪隔霄壤感激裂
肝腸鶚薦如堪待鴻書幸寄將悠悠燕樹遠漠漠楚雲
長但願持明鑿高懸照八荒

詠梅十二韻

積雪初開霽微陽欲動時美人倚芳樹佳訊到南枝月

冷瓊瑤佩春含水玉姿山中尋舊隱雪後見丰儀又是
經年別如何會面遲輕清天所賦貞白我能持品出羣
英上名甘處士卑仙盟如可結商夢不須期巖野孤蹤
在霜風兩鬢垂中心常自結真味少相知落落烟塵外
飄飄雲水涯感懷時晚對託興詠周詩

奉贄歐陽承旨圭齋於書臺楊青城宅時公來參
旌譜

衡嶽降神日玉堂承詔時神仙見標格鸞鳳上丰姿黼

散袞龍著文章天馬竒日邊辭玉醴岩下採金芝束續
廬陵譜兼題六一祠書臺見顏色翰墨灑淋漓雲遠清
湘樹心懷丹鳳墀停杯操別鶴一雁過天涯

奉簡吉州蕭進士自省

對策瞻龍袞承恩拜玉墀一枝蟾影在八葉鳳毛竒
瀘水文星見南昌化雨施哦松來上邑采菊向東籬
解綬歸來日掀髯舒嘯時空縣徐孺榻長下董生帷
清節誠能守高風自可追才華今代重辭翰古人期
每惜交游晚從來會面遲天清梅雨歇江濶柳雲垂
欲剪蕭齋燭細論彭澤詩吟懷共傾倒庶用慰深思

陪吳編修子高孔掾史澄道宴岳陽樓分韻得航
字

雁過巴陵晚凭輿感興長天低入雲夢地迴接衡湘
青草迷空閣蒼梧隔杳茫花飛天岳雨木落洞庭霜
欲借仙槎去猶懷廣樂張空山祠夏雨孤嶼拜英皇
遷客情無極思君意不忘汀蘭春自綠林橘晚初黃
風雪雙蓬

鬢江湖一葦航屈原初去國王架久思鄉竹簡藏書壁
梅花冷玉堂詩家傳李杜翰苑失班揚自惜叨陪淺深
慚學識荒登樓鳴綠綺前席奉清觴積雨湖光霽微風
秋氣涼罷琴吟眺處雲樹暮蒼蒼

送賀元忠之曲阜學正任

送君之曲阜魯殿謁靈光琴瑟歌清廟衣冠拜素王采
芹臨上邑釋采得升堂文字看科斗蕭韶鳴鳳凰吟壇
常倚杏射圃必穿楊聽雨泮池曲舞雩沂水傍檜圍宮

樹暗花覆苑苔香東魯諸生喜西風一鷄翔贈言兖州
去別意楚波長遙望雲千里中流葦二航遊魚迎去棹
燕語繞危檣願振孔林鐸時逢文運昌

平徭頌上湖廣平廣衣布巴勒駙馬時公奉詔出
征道賀二州事畢班師特授中書平章余參隨麾
下以功授永明簿感公之恩故獻詩以頌公之功

云

分符督諸將仗鉞討三危雷動征蠻鼓雲開飛虎旗中

軍號令肅上將智謀奇駐節春陵境屯兵溪洞陞雜耕
民不擾招捕筭初遺賊有生擒者法猶令縱之脫鞴放
鷹隼鑽穴泣狐狸孟獲終能服猺獠何足追無虞旋奏
凱有旨即班師身被黃金甲旌揚翠羽儀獻俘來太廟
錫宴上丹墀喜動龍顏日恩承鸞詔時宮袍圍玉帶御
酒賜金卮公主捧觴賀中官退食遲衮衣資黼黻廊廟
藉網維開閣薇香動垂簾花影移朝趨虎豹闕晚集鳳
凰池邊警喜寧謐聖明於緝熙金闈通籍早鐵券紀功
獻平徭頌流傳四海知

陪劉先生桂隱偕劉學存謁虞學士邵庵於元妙
觀學士留飲王玉輝道士山房即席呈上

昔日臨奎閣經筵拜侍書文章煥星斗德望重璫璣太
傅歸疎廣醇儒見仲舒詔留遺草在囊有賜金餘林下
耆英少天邊故舊疎名高羣玉府身退野人居山隱五

峯秀池涵一鑑虛松巢歸獨鶴萍水戲雙魚每有驚人
句頻辭使者車黃花迎晚節玉樹照春初此日陪藜杖
臨風聽珮瑤尊前看灑翰香露滴秋蟪

七言律

奉賀蘇公早朝之作

玉筍班齊拜紫宸金鑿光動照青春六符長見台階正
萬歲初開壽域新隱隱晴空來鳳吹霏霏香霧繞龍鱗
彤庭錫宴承天寵傳得宮花賜近臣

奉同劉進士噉遊衡嶽登祝融峯

丹鳳飛來南斗旁祝融靈迹在衡陽梅波浴日五峯曙
石洞棲雲六月涼虞舜南巡留瑞氣魏仙內鍊有神方
龍飛九五臨宸極得見朱陵降百祥

分題得東山送趙原善之金陵

亭亭秀色出芙蓉紫翠浮巒勢若龍雨過孤雲來遠岫
霞迎初日轉高峯燒丹未就楊仙術著屐先追謝傳蹤
早晚金陵望佳氣携書好去上東封

題羅朝陽陽谷丹室

日出東窗飛彩霞初昇頂上聚三花鼎含真火一元氣
爐卷仙房九轉砂滄海波中產珠樹扶柔枝上吐金芽
何時參透長生術來訪羅浮處士家

同陸書隱范君平和伯長客中端午韻

詩懷自許吞江水酒面猶堪暈夕陽共欲奔馳成底事
各相慰藉自他鄉滄浪意遠蘋花老菰黍清香楚客狂
且向危樓拚一醉竹牀不記臥三湘

前御史楊元誠辭官歸第御書山居二字賜之公
卿大夫賦詩以榮其歸余訪舊萬松山拜觀宸翰
及諸吟卷席間以重來休休地真作野人居分韻
得君字

解綬歸來繼二疏賜金留得起山居天書藻翰猶飛動
雲臥松巢任卷舒亭倚孤山放初鶴座臨西澗靜觀魚
飛來靈鷲多佳氣長日相看樂有餘

讀通鑑綱目

書法麟經述作成奸邪膽落鬼神驚帝王著統三綱正
甲子編年萬日明春日麗天光炳煥秋霜肅野氣澄清
遂令覽者無遺恨如鏡懸空似水平

奉陪蘇參政楊御史宴冷泉亭蘇公有詩次韻呈
上

澗水泠泠冰雪流波涵瓦影一亭幽坐臨石磴瑤琴響
環遶山門玉帶留白傅風流碑尚在蘇公文采句難酬
醉來倚樹散寒碧洞口元猿吟未休

上苑梅

太液池邊柳未芽上林梅萼又開花霓旌遠樹龍輿過
仙杖臨軒羯鼓撼晴雪微飄丹鳳閣香風暗度玉皇家
拱鈞散作人間瑞三白交輝見歲華

玉堂梅

翰林夜直對暉仙月上南枝香暗傳雪片飛花迎臘瑞
冰容倚樹帶春妍詞臣題處稱魁品學士簪來集御筵
歸到瑣窗清不寐花邊呵凍寫鸞箋

山館梅

客裏梅花驚歲晏幾枝疎蕊澹相看廣平賦罷初歸第
和靖吟餘獨倚闌簾外玲瓏冰柱凍窗前灑落雪華寒
風簷終日思君處折寄憑誰為問安

林下梅

冰為肌骨玉為神林下歸來見美人冷眼笑着千樹雪
欲情欲贈一枝春花飄蘿逕留芳迹詩刻苔碑生綠塵
落日孤墳吟眺苦仙視猶想遠祠墳

竹外梅

溪上看來興瀟灑月中照見影橫斜連枝微帶幾點雪
隔葉初開三四花檐映寒光金瑣碎鷗翻晴羽翠交加
此君有約尋仙友因過孤山處士家

水驛梅

官亭芳樹倚寒江瓊蕊疎疎映瑣窓停權晚看花發少
開軒時有雁來雙一枝春到書先寄千里使還心已降
盡日凭闌酣詠久香得綠萼酒盈缸

鏡中梅

玉臺明月出雲端
照見芳姿雪色寒
影動冰輪來舞鶴
香浮銀闕現飛鸞
翠蛾淡掃花對素
壓新勻倚樹看
遙相含章簷下見
壽陽初起曉妝殘

江路梅

白雲補口臙
舟來冷蕊迎人
一笑開
老鶴啄冰飛不去
輕鷗帶雪立相猜
歌殘芳樹笛初弄
興盡中流櫂又回
一帶寒沙香滿路
波涵月影雁聲哀

溪橋梅

清溪有客偶相招
步履微吟過畫橋
花覆石闌晴雪墜
香浮冰澗凍雲飄
水邊人立停蘭櫂
樹下仙迎吹玉簫
不見當年題柱者
擔頭折得唱燕樵

月下梅

月底初開瓊蕊香
枝頭低頭玉擔光
當筵太白傳盃問
對闕素娥涵鏡妝
望斷清輝楚天遠
尋來綠萼隴雲長
關山千里遙相憶
不覺新添兩鬢霜

雪裏梅

六出花飛春滿原孤根香動月當門
冷疑玉蕊初飛白
凍折瓊枝欲斷魂
授簡梁園初泛蟻
停鞭庾嶺倦聽猿
思君不見年將暮
回首相看雪正繁

對梅

晴簷一笑問逋仙
青眼相看玉樹前
呵筆沉吟倚東閣
停杯惜別向芳筵
素心知己長相憶
白髮催人祇自憐
漫寫老懷驚歲暮
遙傳芳訊及春先

對梅

吟斷寒簷月一枝
彩毫呵凍興來時
折花庾嶺封題後
踏雪灞橋歸詠遲
鐵石千腸千載賦
古今香影一聯詩
高歌誰繼羣賢作
獨對孤芳有所思

愛梅

孤山亭榭倚湖邊
長日對花真可憐
照水丰姿何皎潔
隔林芳態自清妍
與花為友心偏喜
得句驚人世共傳
玉色冰肌兩竒絕
皎如鵝立玉階前

尋梅

江皋行徧陟崔巍忽有香從何處來一樹衝寒冰萼破
數枝迎瑞雪花開美人既見傾懷喜佳友相逢盡醉回
野路酣歌明月上憐君欲去一徘徊

落梅

何人吹徹玉參差點點飛花入酒卮輕拂苔階晴雪滿
斜飄芳屋白雲垂香魂此日隨流水芳訊幾時來故枝
遙想綠珠堪恨處臨風疑是墜樓時

臘梅

鏡裏素娥容貌改鉛華淨洗試新妝纖葩微沁蜂鬢蜜
疎蕊中凝鳳髓香冉冉仙姿含淡白盈盈宮粉帶輕黃
先迎臘雪留孤迹獨倚春風壓衆芳

臘梅

辟
綈色陽回迎瑞氣疏林幾樹吐繁英舞花姜女微含笑
避穀仙人太瘦生冰雪光華應三白肌膚綽約喜雙清
殘年有客重相見緩引椒觴話舊盟

性情集卷五

性情集卷六

七言律

大隱樓為妹夫羅宗信賦

卜居樓迹在城南朝市紛紛不肯談
樹下鶴歸惟見一
花朝鳳舞自成三窗舍遠岫明如玉
檻俯長江秀若藍
身在耆英圖畫裏
酡顏日日帶春酣

秋蓬軒為楊仲濩賦

元周巽撰

詩人託興在秋蓬
瀟洒吟軒畫舫同
江海餘情欲榻上
乾坤清氣一窗中
踈簾涼灑芹池雨
曲檻香來蕙畹風
黃葉滄波垂釣處
倚看雙雁上晴空

月琴為林從吉賦

湖亭曾聽月琴彈
夢想遺音在廣寒
藥杵搗霜驚別鶴
桂蘭拂露引孤鸞
冰絃低轉臨瑤席
金粟微飄滿石壇
寫盡凌波仙子意
清虛夜靜曲聲殘

齊峯樓為王思齊賦

層樓突兀並雙峯
峯近闌干秀色濃
日出青屏照簾幙
雲飛畫棟接芙蓉
朝光當戶嵐千疊
爽氣浮空翠幾重
醉寫淋漓懷逸少
欲將豪氣壓元龍

寄劉知事宏道

欲折寒梅寄一枝
京華又過十年期
上林花發鶯啼早
南浦雲深雁過遲
卧斷青蕪聽夜雨
坐看玉樹賦春詞
眼中吟友多分散
闕下故人今有誰

奉和蘇參政伯修受詔奉使宣撫還賜宴宣文閣

應制韻

鳳鳴高閣御宣文
晝刻傳呼天上聞
封事開函陳大典
頌聲合樂奏南薰
羹調玉鼎來朝早
燭送金蓮過夜分
奉使已歸蘇屬國
麒麟畫裏見殊勲

題李尚敬所藏乃祖秋潤亭遺像卷子

清氣滿窗臨碧灣
寒聲瀉出兩崖間
露凋芳樹鴻初過
月落澄波鶴不還
白髮空疑柱史老
緇衣猶想謫仙閒
西風拂袖行吟處
長使諸孫憶舊顏

城南永古庵孤峯文上人以故人禾川吳經歷仲

素臨絕遺詩見示情不能已遂次韻以挽之

死去憑誰賦蓼莪
故人解劍適經過
殘年古寺遺詩在
落日孤墳芳草多
勲業未成垂老盡
文章已著奈貧何
科名况有同宗弟
不與招魂效楚歌

挽謝知州

公字吉甫
號立雪

五馬歸來臨別墅
猶持風采動眉鬚
高年自是國遺老
直筆曾言臺丈夫
健若秋鷹厲霜翮
清如寒露出冰壺

梅花原上吟魂冷雪滿空山鶴影歇

挽周宣慰方壺

仗節南征靖庾關提兵又出討荆蠻
醜顏鶴髮雄姿老羽扇綸巾雅量閒
梅嶺雲歸凱初奏柳營星墜櫬空還
應憐大府朝正日不見腰金列早班

哭龍錄事元同時權萬安縣尹

龍岡春暮別參軍馳檄南征過五雲
每惜日邊歸進士俄驚地下作修文
空梁落月猶疑見寒木悲風不忍聞

夢斷吟魂招未得梅花江路雪紛紛

挽蕭推官

公諱憲孫芳崖御史之次子晚林
官居見一堂名其里為高風坊

歸來林下振高風豐頰修髯見一翁
近世衣冠似公少故家文獻有誰同
鳳簫聲斷瑤臺冷繡斧塵生蕙帳空
幾葉秋風驚別鶴滿塔夜雨續吟蛩

七言排律

壽王都事南山

紫薇幕下神仙客黃菊花前獻壽盃
雲遶南山迎瑞氣

星臨北斗現中台親陪上相叅謀入曾贊元戎奏凱回
剖決六曹簡書靜掃除兩廣瘴煙開座看修竹留清蔭
手種高槐成大材已見紅蓮出綠水又乘驄馬上霜臺
紫袍凝露團花見綵服翻霞舞袖催看取高秋圓月夜
雙飛鳧鳥上蓬萊

五言絕句

以露霧風煙月晴雨江山雪為題詠梅十首

粲粲萼綠華盈盈花上露花折露沾衣憑誰寄情素

林暗曙光微開簾散香霧美人期不來相思歲年暮
馥馥飄清氣霏霏點綠苔高城殘角斷吹送冷香來
空山含薄暝遠樹帶輕烟何處尋芳迹鐘聲落照邊
東閣賦停雲寒梢上新月惜別花又開關山路難越
南枝春意動林杪散朝暎無使傳芳訊看花日又昏
微雨落寒梢樓前綠珠墜霏霏濕瓊瑤暗滴湘娥淚
孤蓬臨暮渚芳樹倚寒江水落碧沙淺飛來鷗一雙
臞仙在何許晦迹隱孤山遙想沉吟處亭空鶴未還

九天飛瑤華千樹灑香雪空谷寂無人相看兩清絕

三香山礬水仙梅

貞白誰同調山礬與水仙託根同草木清濁自天然

三友松竹梅

蒼髯拂翠羽有意伴臞仙共結歲寒約村煙望水邊

三秀芝蘭梅

幽蘭可紉佩紫芝曾療饑所以粲粲者同行不相遺

三白雪月梅

月色淡欲曙雪華寒未消玉人在空谷清絕不可招

青青水中蒲三首

青青水中蒲新葉淨如拭元是寶劍精森然此留迹
青青水中蒲九節根如玉食之可延年神清髮長綠
青青水中蒲千歲花開少採得紫茸時緘書寄青鳥

六言絕句

呼童掃開蘿逕有客來叩柴扉花底香雲欲落樹頭白

鳥初飛

愛花苦吟庾嶺佩印載守揚州應笑林逋冷淡不如何
遜風流

七言絕句

梅花十首

孤山樹下曉停驂綠萼初開花兩三自是孤根得春早
先將芳信到江南

瘴海花開雁又來邊頭不見寄書回雲橫東閣躊躇久
月上南枝次第開

晚來索笑向晴簷獨立黃昏半捲簾自折芳枝嗅瓊蕊
忽看高樹掛銀蟾

石橋流水遶柴門歲晏相逢似避喧放鶴亭前人一去
疎林夜月冷吟魂

倚竹相看翠袖寒月中弄影見飛鸞形容何以清癯甚
雪滿空山歲又闌

問訊花神誰最賢羣芳梅獨在春先清高品格花中聖
灑落丰姿鶴上仙

天寒倚樹見佳人
肩玉食英養性真
姑射山中明月夜
風飄仙袂淨香塵

乘風曾到太清家
玉樹當庭飄素霞
此日歸來湖上見
滿林香雪散瑤華

朝來踏雪過前林
花底誰歌白雪吟
玉女持旌雙鳳下
暮雲深處杳難尋

花底羣仙搖珮璫
神凝太素美清揚
春風吹夢來金鼎
夜月霏香到玉堂

春日漫興四首

客裏惜春春又暮
落花無數綠陰生
一片溪雲將雨過
幾聲山鳥隔煙鳴

啼雞不住催人去
望斷鄉關何處家
三月狂風吹倒樹
攪人離思是楊花

柳花漫空正撩亂
千點萬點著人衣
隨波化作浮萍去
滿路飄零似雪飛

淡煙微茫遠樹低
王孫一去草萋萋
誰知客愁無處著

又聽前林鶯亂啼

題劉子暈橫溪獨釣圖

天河垂練映寒流
坐俯清冷墜玉鈎
源上桃花微雨過
欲吟鶯起水中鷗

芳洲白鷺飛來兩日射
金鱗波滉漾
芰荷香送晚風涼
一聲清唱雲中響

紫鱗翻藻時衝岸
紅線低垂月鈎半
雁叫蘆汀論乍收
蟾流欲影來霄漢

儒林劉郎最清絕
手把絲絳歌未闕
忽見江梅數蕊開
一萼立斷寒江雪

竹枝歌十首

灩澦堆前十二灘
灘聲破膽落奔湍
巴人緩步牽江去
楚客齊歌行路難

百丈牽江江岸長
生愁險處是瞿塘
猿啼三聲齊墮淚
路轉九迴空斷腸

蜀江水落石槎牙
南船幾日到三巴
雲近巫山不成雨

霜葉凋錦樹勝如霞

霜葉如花滿眼飄
巴童歌駐木蘭橈
水來峽口灘方急

船到夔州路更遙

夔州日落聽啼鳥
亂石空圍八陣圖
傍渚行行訪遺迹

武侯奇才天下無

巫山秀色碧崔嵬
客子行舟望楚臺
行雲行雨幾朝暮

不見臺前神女來

疊嶂連雲氣勢高
江心巨石吼洪濤
怪底終年行路者

艱危如此不辭勞

錦江一道送春來
梅花落盡桃花開
無奈客程歸未得

樹頭樹尾哀聲哀

杜宇催歸不暫休
宦情羈思兩悠悠
相如此日題橋去

空遣文君吟白頭

江流錦水百花香
落日微吟近草堂
少陵心苦愁難著

望帝魂銷思不忘

詞

漁父歌四首

春水孤蓬發櫂謳
彩虹為線月為鈎
桃花浪杜若洲
此處垂鈎釣玉虬

弱笠蓑衣亂碧波
巨鱗潑刺躍金梭
衝蘋藻翻芰荷
不上鈎來可奈何

西風一葉下晴川
換酒將魚不用錢
蘆渚畔蓼洲邊
暮醉醒來月滿船

寒江獨釣去還來
機靜應無鷗鳥猜
冰柱折雪梅開坐

擁羊裘夜未回

樵父歌四首

春山漠漠斷煙橫
陰壑丁丁伐木聲
啼鳥靜落花輕看
棋松下暮雲生

白雲相逐度前峯
蘿壁猿啼翠幾重
清晝寂綠陰濃
斧聲驚動鶴巢松

滿身松露陟崔嵬
行逐岩前麋鹿來
楓葉落菊花開
日斜人唱採薪回

負薪行唱路迢迢
幾朵梅花搭上挑
風正紫雪初飄曲
中猶自憶前朝

江南弄

春意動池塘初解凍
花間啼鳥驚人夢
綺戶微開曙色
明沉香火暖曉寒輕
夭桃半吐傳芳訊
新鶯百轉感
中情感中情憐淑景
思君望斷青鸞影

炎光熾枕簟涼如水
芰荷覆沼雙鴛戲
香飄水閣藕花
開簾上金鈎燕子回
霄露清塵臨上苑
朝雲暮雨過

陽臺過陽臺別神女
思君心如蓮葍苦


秋聲起庭院收殘暑
涼蟬抱葉鳴疎雨
玉簫吹徹人倚
樓銀漢迢迢度女牛
梧桐落翠露華冷
絡緯啼寒月

影流月影流愁無限
思君不見南飛雁

寒威薄繡帷人未覺
啄蕊爭枝喧凍雀
錦箋呵筆寫迴
文玉筯長垂不見君
北去馬啼衝塞雪
南來鴈字隔
衡雲隔衡雲消息斷
思君但把梅花玩

性情集卷六

性情集卷六



三

卷之二